

## Школань комсомольский организациятнень васенце задачасна

ВЛКСМ-нь ЦК-ть X-це плену-  
монц решениясонза сьорматф:

„ВЛКСМ-нь ЦК-сь кармай судить  
эрь комсомольский организациять  
работань результатонзон колга ва-  
сенцакге сян коряс, кода ладяф  
школаса тонафнемась и дисципли-  
нась“.

Разумеется, што школань ком-  
сомольский организациятне лац то-  
надозь тя решениять,—и ламоц  
синь эздот эсь работасот сатсь  
замечательнай результатт. Вов,  
Саранск ошень 9 № школань ком-  
сомольский организациясь класса  
цебярьста работать ладяманц вель-  
де 8 и 9-це классень эса сатсь  
100 процентнай успеваемость. Мок-  
шанский 8-це классонь группорсь  
Молданова ялгась упорнайста  
тюрсь эсь классонц честенц инк-  
са. Сон отстаюхайнеди лезксон-  
ди организовандакшнесь дополни-  
тельный занятия, аф успеваемос-  
тень и аф дисциплинированностень  
буквальна эрь фактть каршескеп-  
сезе сембе классть. Це-  
бярь успеваемость сатф 12-це №  
школань 9-це „Б“ класса, коса  
группорсь Фрейден ялгась лац  
раз'яснил сембе комсомолецнеди,  
што сатомс цебярь успеваемость  
и цебярь дисциплина—тя сонь ва-  
сенце задачац.

Однако, кда варжактомс марнек  
республикань школатнеди, то вье-  
ви, што васенце учебнай четверть  
результатонза лама школава аф  
совсем завиднайхть. Кой-кона ком-  
сомольский организациятне нинге  
кода эряви ашесть шарфта шко-  
лать ширес. Тянь колга красноре-  
чивайста корхтайхть сят факттне,  
што Краснослободскийнь 1-це №  
школаса васенце четвертьста успе-  
ваемость анычек 45 процент. Са-  
ранскийнь 1-це № школаса—65,6  
процент и стак тов. Мекольце  
школаса 14 комсомолецень 1—3  
кальдяв оценкасна.

Ученикне-комсомолецне марса  
учительхнень, ученический коми-  
теттень и ученикнень родител-  
снон мархта должетт лездомс аф  
успеваюхайлатнеди, машфтомс  
кальдяв отметкатнень. Организо-  
вандамс тейст дополнительной кол-  
лективной и индивидуальной заня-  
тият. Вятемс решительнай тюр-  
ма куду максф заданиятнень аф  
пашкодиснон каршес. Комсомо-  
лонь комитеттне должетт органи-

зовандамс учащайхнеди лекцият  
и докладт исторический и литера-  
турнай темас, организовандамс  
большевистский партиять героич-  
еский историянц коряс беседань  
йотафнемат.

Комсомольский организациятне  
тяфтажа должетт вятемс решитель-  
най тюрма школаса хулиганский  
поступкатнень каршес, учительти  
грубай, барский отношениянь факт-  
тнень каршес.

Комсомолецне не могут иляткш-  
немс ширеса и учительти работа-  
са лезксонь максомать эзда. Шко-  
ласа учительне комсомольский  
группатне обязатт лездомс учи-  
тельти сонь общеобразовательнай  
и идейно-политический касоманц-  
ты.

Оцю мять тяфта жа эряви шарф-  
томс пионерский работати. Имен-  
на анычек пионерский работать  
лангса комсомольский организаци-  
ятнень аф сатомшка руководст-  
васнон мархта можнат азондомс  
сят факттне, што 5-це № школань  
пионерхне Заверцев, Новиков, Ма-  
каров тонафнемань васенце чет-  
верть эзда получасть сисемонь  
кальдяв оценка.

Комсомольский организациятне  
должетт аф юкснемс ся простой  
истинать, што тоса,—коса цебярь-  
ста работайхть пионерский отря-  
тне, тоса, обычно, оцю успевае-  
мостсь и кеме дисциплинась. Сле-  
довательно, комсомольский органи-  
зациятнеди эряви станя руководи-  
тель пионерский работать лангса,  
штоба эрь отрядсь работаль по-  
боевому, пашкоткшнелхнень ит-  
тнень сембе запроснон, касфнелъ  
синь способностьснон и анычек  
эста пионерхнень ширде можна са-  
томс отличнай тонафнема.

Школань комсомольский органи-  
зациятне должетт шарфтомс оцю  
мьял оборонно-физкультурнай ра-  
ботать ширес. Эряви, штоба уча-  
щайхне нинге школаса получалхть  
необходимай военной навикат. А  
сяс эрвиохть организовандамс обо-  
роннай кружокт, йотафнемс спор-  
тивной состезаният, военной играт,  
стрелковой соревнованият и стак  
тов.

Школавь комсомольский органи-  
зациятне, марса учительстваць  
мархта, конешна, инголест путф  
задачать пашкодьсаязь честь марх-  
та.

## Советский од республикатнень и областнень эса избирательнай кампаниясь

Молдавский, Латвийский, Литов-  
ский и Эстонский ССР-га, Украин-  
ский ССР-нь Аккерманский и Чер-  
новицкий областнень эзга избира-  
тельный кампаниясь йотни огром-  
най энтузиазмаса.

Советский од республикань и  
областень ошнень и велетнень эз-  
га йотаффт митинкт, конатнень  
эса трудящайхне сяви эсь ланго-  
зост обязательстват активнайста  
участвондамс избирательнай кам-  
панияса и самс кочкамань шити  
сембе ширде работань рекорднай  
показательса.

Исключительна оцю под'емонь  
обстановкас айтась 40-тысячнай  
митингсь Черновицы ошса. Высту-  
пандамо митингса, 6-це № фабри-  
кань работница Анна Палория  
ялгась эсь предприятиянь сембе  
коллективть лемста макссь вал  
кочкама кампаниянь шитнень эзда  
няфтемс социалистический трудонь  
образецт—пашкоднемс производст-  
веннай планть 200 процентс.

Многолюднай митинкт йотась  
Кауасса, Кишиневса, Аккерманца  
и иля ошнень эзга.

(ТАСС).

## В. М. Молотов ялгать честьс Гитлерть ширеса приемсь

Ноябрь 13-це шистонза 14 част-  
са германский пингть коряс Гер-  
маниянь рейхсканцлерсь Гитлерсь  
тись завтрак СССР-нь Совнарко-  
монь Председатель и Иностран-  
най Тевонь Народнай Комиссарть  
В. М. Молотов ялгать честьс.

Молотов ялгась Бельвио дворец-  
ста тусь 13 частста 45 минутаста  
имперский канцеляриянь германский  
иностраннай тевонь министерст-  
вать протокольной отделонц заве-  
дующайнц Дериберг господинть  
сопровожденияса. Германский ар-  
миянь частьтне и Гитлерть личнай  
охранань отрядонза выстроеных-  
тельхть имперский канцеляриянь  
под'ездонц вакс, Молотов ялгати  
оказали воинский почестть.

Марса Молотов ялгать мархта  
завтракса присутствовандасть Чер-  
най Металлургиянь Народнай Ко-  
миссарсь Тевосян ялгась, Иност-  
раннай Тевонь Народнай Комис-  
сарть Заместителец Деканозов  
ялгась, Внутренний тевонь Наро-  
днай Комиссарть Заместителец Мер-  
кулов алгась, Внешний Торговлянъ  
Народнай Комиссарть Заместите-  
лец Крутиков ялгась, Авиационнай  
Промышленностень Народнай Ко-  
миссарть Заместителец Баландин

и Яковлев ялгатне, Иностраннай  
тевонь Народнай Комиссариатть  
Протокольной отделонц заведую-  
щайнц Барков ялгась, Германияса  
СССР-ть полпредоц Шкварцев ял-  
гась, полпредствать васенце сек-  
ретарец Павлов ялгась.

Германский ширде присутство-  
вали: иностраннай тевонь минис-  
терсь фон Риббентроп г-нц, гер-  
манский вооруженнай виный Вер-  
ховнай командованиять руководи-  
телец Кейтель генерал-фельдмар-  
шалсь, имперский министрсь Геб-  
бельс докторсь, германский тру-  
довой фронтть руководителец Лей-  
докторсь, германский правительст-  
вать печатень отделонц начальни-  
коц Дитрих докторсь, национал-  
социалистский партиять виднай дея-  
телец Борманц, Гитлерть личнай  
канцеляриянь начальникоц Мейс-  
нер докторсь, Москуса германский  
посолсь фон Шуленбург г-нц,  
Гитлерть адъютантонза Шауб и  
Шмундт полковниксь, иностран-  
най тевонь министерствать прото-  
кольной отделонц заведующайнц  
Дерибергсь, Гевель посланниксь,  
Москуса германский посольствать  
советникоц Гильгерсь.

## Молотов ялгать честьс фон Риббентроп г-нть ширеса приемсь

Ноябрь 12-це шистонза илять  
Германиянь иностраннай тевонь  
министрац фон Риббентроп госпо-  
динть тись прием СССР-нь Наро-  
днай Комиссаронь Советь Предсе-  
дательнц и Иностраннай Тевонь  
Народнай Комиссарть В. М. Моло-  
тов ялгать честьс.

Приемса ульсь германский пра-  
вительственной органонь национал-  
социалистский партиянь руко-  
водящай деятельхть, Германский

Армиять высшай командованиянц  
представителемса, а тяфта жа  
В. М. Молотов ялгать сопровож-  
дающайнза, Берлинца СССР-ть  
полпредоц Шкварцев ялгась и  
СССР-нь полпредствать ответст-  
веннай работникоиза.

Фон Риббентроп господинць и  
В. М. Молотов ялгась обменялись  
речьса.

СССР-нь Совнаркомть Председателец и Иностраннай Тевонь  
Народнай Комиссарсь В. М. Молотов ялгась ульсь рейхсмаршалть  
Герингть и Гитлерть заместителемса Гесс г-нть ширеса

Ноябрь 13-це шистонза 10 част-  
са шобдава СССР-нь Совнаркомть  
Председателец и Иностраннай Те-  
вонь Народнай комиссарсь Моло-  
тов ялгась тись визит рейхсмар-  
шалти Герингти.

Тяда меле В. М. Молотов ялгась  
ульсь Гитлерть национал-социали-  
стский партиять лангса руковод-  
ствать коряс заместителемса—Гесс  
г-нть ширеса.

## Гитлерть и Молотов ялгать омбоце беседасна

Ноябрь 13-це шинь омбоце по-  
ловинастонза имперский канцеля-  
риянь од помещениясонза Герма-  
ниянь рейхсканцлерть Гитлерть  
и СССР-нь Народнай Комиссаронь  
Советь председателемса и Иност-  
раннай Тевонь Народнай Комисса-  
ронц В. М. Молотов ялгать ёткас  
ульсь омбоце беседась. Беседать

пингста ульсь Германиянь иност-  
раннай тевонь министрсь фон  
Риббентроп и СССР-нь Иностран-  
най Тевонь Народнай Комиссарть  
Заместителец В. Г. Деканозов ял-  
гась.

Беседась мольсь 3 частта ла-  
мос.

(ТАСС).

## Павазу итть

Минь странасонк итнень кол-  
га исключительнай заботась. И  
иттне — школьникне сембе лада  
старандайхть достойнайста отве-  
чамс тя заботать каршес. Инсар-  
ский средний школань ученикне,  
конатнень эзда 300 пионерхт, пар-  
тиять и правительствать итнень  
колга заботаснон каршес, отве-  
чайхть цебярьста и отличнайста  
тонафнемаса и школаса кружковой

работать цебярьста ладямаса.  
Школаса пуропфт музыкальной,  
драматический, хоровой, физкуль-  
турнай и лама лия кружокт. Нят  
кружоконь четлетье периодически  
тиендихть—ученикнень и сембе  
велень населениять инголе разнай  
художественнай выступленият.

П. Липенкин.

Инсарский район.



## Од учительхненди— деловой лезкс

Мокша Ювня велень аф полной средней школать преподавательско-учительский коллективон составста од работнике составляют 60-чка процент, конатненъ эзда кой-конат ялгатне работань тя важнейшей участкаты эса работайхть васенце кизось.

Школань дирекциясь и учебная частьсь педагогический коллективти коммунистический воспитаниясь сембе кизефксень колга максикхть эрявикс практический и методический лезкст. Кода правила, тя работась няфни оцю результатт.

Тонафнема кизоть васень четвертец няфтезе, што учительхнен ламошксна иттенъ коммунистический воспитаниясь мольфтсаяз аф калдывста. Синь тя почетнай тевти путнесазь сембе эсь вийснот. Например, 3-це классонъ учительница Родина О. А. эсь уроконзон йотафнесыне увлекательнай и пях эрек формаса. Родина ялгаты класса иттенъ посещаемостьна пятай 100 процентнай.

Башка сави азомс, што од учительхне пях настойчивайста тюрхит эсь идейнай знаниясь снот и производственной квалификацийснот касфтома тевсовок. Синь сембе пях лац тонафнесазь „ВКП(б)-ть историянц Краткай курсонц“. Краткай курсть тонафниензон мархта сидеста йотафневихть ялгань дискуссият, конатненъ эса синь эздот кажнайсь аф шарьхкодеви кизефксень лангс получахши обстоятельной шарьхкодеви ответт. Учителхне тяфтажа пях оцю мяльса тонафнесазь текущай политикань кизефксень.

Школань сембе педагогке, а сембодонга пях учительхне-комсомолене, сембе вийса тюрхит учебнай кизоть достойнайста аделамавц, иттенди прочнай знаниянь максомать инкса.

Шичкин,

М. Ювня велень НСШ-ть завучец.  
Турбеевань район.

### ОТЛИЧНАЙСТА

#### ТОНАФНЕМАНКСА КАЗЬФТ

Мордовский Государственный пединститутонь студентне, сувамок предоктябрьский социалистический соревнованияти, сявондсть эсь лангзост обязательстват—отличнай успеваемостьса васьфтемс Великой Октябрьской Социалистической революцияты 23-це годовщинанц. Соревнованияса лиссть победителькс Т. Артамонов, П. Юнин, И. Букин, Разумов, Башкатова и лама иля студент, конат праздничнай вечерса казьефт ярмаконь премияса.

Моськин.


### ДОБРОСОВЕСТНАЙ ПИСЬМОНОСЕЦ

Од-Выселкаса сьормань канникс работай омбоце кизось И. Кошкин ялгась. Келгомок эсь работанц, сон пях аккуратнайста каннесыне сьорматвень и периодический печатть. Ашель фкявок случай, штоба сонь лангзонза максоль мезень-нябуть колга жалоба.

Кошкин ялгась тяни аноклай од кизонь подписать йотафтоманцы.

Г. Лобурев.

З.-Полянень район.



### Избирательная кампаниясь Карело-Финский ССР-са

Виппури (Выборг) ошень Временнай управлениясь комсомолкатне активисткатне составляют избирательный список. Кержи ширде види шири: В. Г. Васильев, Н. И. Рухлинец, В. В. Молчанов и А. Д. Агеев.

(Фото-клишес ТАСС-ть).

## Жуватань водямаса лучшей ломаттне

Паева велень „Валда ки“ колхозса цебарьста ладяф жуватань водямась.

Марстонь колхознай собраниясь келиста проработандамок „Жуватань водямать вишкотема мероприятиянь колга“ СССР-нь СНК-ть и ВКП(б)-нь ЦК-ть постановленийснот, колхозникненъ решениясь коряс колхозсь сявсь государственн кядьста 5 тьожать кредит, конань лангс мольфтеви жуватань рамсемась — МТФ-в, ОТФ-в, СТФ-в и ПТФ-в.

Эряви азомс, што жуватань водямса государственнай плантть пашкодма сафти ни оцю сатфкст. Кода, например, СТФ-ть эзга планц пашкотф 100 процентс, ОТФ-ть эзга—135 процентс, ПТФ-ть эзга—90 процентс.

Жуватань водямса тевса особенна цебарьста работайхть В. Я. Намумов и А. П. Келина ялгатне. СТФ-са заведующайкс работай А. Б. Парфенов ялгась, кона тяда башка ащи парторганизациянь секретарькс, местнай советонь депутатокс и 1939-це кизоня кучфоль ВСХВ-в участникомс, мезенькса и сонь казезь Малай серебрянной Медальса и 500 цалковой ярмакса. Аф калдывста работайхть ОТФ-са —А. И. Макушкин и М. П. Сайгин ялгатне, а ПТФ-са—колхозть инь лучшей стахановкац Т. С. Келина ялгась.

„Валда ки“ колхозсь тяни сембе ширде ни анок тялоти.

Н. Лобанов.

Кадошкинань район.

### Отличник—счетовод

Мокшень Мазканянь „Од эряф“ колхозса счетоводкс работай И. А. Ефимкин ялгась 5-це кизось ни. Содамок цебарьста эсь тевонц, Ефимкин ялгась аккуратнайста и добросовестнайста вятьсы колхознай счетоводствать. Сон, кода при-

мернай счетовод, ниле кизотненъ пингста ашезь получахши кодамовок замечания и отличнай работанкса эрь кизоня получахши премия.

Д. Ефимкин.

Краснослободский район.

### НАУЧНАЙ ОД КРУЖОКТ

Мордовский пединститутса келиста развернутой кружковой работась. Тяни тага одс организовадсть лама научнай кружокт, кода СССР-нь нароттненъ историясь тонафнеманц коряс, марксизмат-ленинизмат коряс, математический, физический и лама лия кружокт.

Нят кружокненъ эса институтть инь цебарь преподавательский вийнза лувондыхть лекцият. Студентне, кружоконь слушательхне оцю мяльса кулхонкшнихть нят лекциятненъ эса.

В. Моськин.

Саранск ош.

## Сатомс сядапроцентнай успеваемость

Поруб поселкань школаса заведующайкс омбоце кизось работай Г. П. Шишканов ялгась, кона сембе виень путозь работай иттенъ коммунистический воспитаниясь касфтома снот инкса.

Эряви азомс, тонафнемань васень четверть аделавсь цебарь успеваемость и посещаемость показательса. Обсолютнай успе-

ваемость Порубонь школаса—99,8 процент, посещаемость—99,4 процент и цебарьста ладяф дисциплинась.

Инь пях цебарь дисциплинась и успеваемость примеркс ащи Видясов ученикс, отличнайста тонафнемада башка школаса лувондови инь активнай общественникс.

А. Храмов.

## Касы газетань подпискась

Порапа велеса шиста-шис касы колхозникненъ культурнай запозна. Тя велеса эрь кизоня пятай эрь колхознай кудти сашендови каннемс кафта-колма экземплярхт газетат или журналхт.

Мон, кода колхознай сьормань канниан, сувамок предоктябрьский социалистический соревнованияти, сатонь аф калдыв сатфкст большевистский печатть распространениясь.

Тяни, ноябрь ковста, Порапа велесь получах: „Мокшень правда“ газетата 83 экземпляр, „Комсомолонь вайгаль“ газетата—79 экземпляр, „Красная Мордовия“ газетата—40 экземпляр, „Колхозонь эряф“ и „Якстерь галстук“ журналда—77 экземпляр и районнай газетата—102 экземпляр.

Тяненъ пингть вятян оцю работа од подписной кизоти аноклама-са.

Ф. Канайкин,

Порапа велень сьормань канниан.  
Ковылкинский район.

### ОМБА МАСТОРГА

#### Англо-германский войнась

Ноябрь 12-це шистонза шить Лондонць одукс ульсь бомбардировандаф германский авиациять мархта. Кода пачфни германский информацийнай бюрось, сон ульсь налетонь главнай целькс и ноябрь 13-це шинц карша веть эздонга. Английский столицать лангс ульсь йордаф 200 тьожянда лама килограмма бомба. Тиевсть лама пожархт. Вишке взрывсь, кона тись оцю пожархт, ульсь отмеченнай Харлзденца (Лондонть районца). Английский лама самолетт появакшвесть Западной Германиять велькс. Ущербсь бомбардировкатненъ эзда аф оцю.

Рейтер агентствась пачфни, што Англиять лангс воздушнай налеттненъ пингста октябрьста гражданский населениять йоткста ульсь шавф 6334 ломань и 8695—равендаф.

(ТАСС).

#### Грецияса военнай действиятне

Итальянецне таки шашфнесазь эсь войскаснот Грециять границанзонды. Севернай фронтти, сьрмады югославский „Време“ газетась, сась альпийский отряд. Итальянецненъ тяни улихть тя фронтса бойнь витемс опыгнай солдатсна. Вастсь тяса пашксе ущельяда, обрывда, утест, и, следовательно, тюремась тяса веши оцю напряжения.

Кода пачфни Юнайтед пресс агентствась, Корицы районца итальянецненъ наступлениясна ашезь сата эрявикс успехт. Фронтонь фкя участка грекне сявсть пленц итальянский 12 офицер, 630 солдат и лама военнай материалхт. Греческий кавалериясь Эпир провинцияса нинге сявсь пленц 500 итальянец.

Итальянский самолеттне, Стефани агентствать корреспондентонц свидетелстванзон коряс, бомбардировандаз и ляпендезь пулеметста греческий войскань колоннатненъ, конат молихть Македониять и Фассолиять районцот.

Английский авиациясь ноябрь 12-це шинц карша веть вишкста бомбардировандазе Албанский побережьяста Дураццо портть.

(ТАСС).

Ответ. редакторсь И. ЧУДАЙКИН.